

29 IANUARI 2016

Sauniga o le Tapunia Aloaia o le Palemene Lona XV

3. Ia outou ulu atu i ona faitotoa,
Ma le pese ma viiga ma le pese ma viiga,
Ma ona lotoa ma le pese,
Ia outou vivii atu ia te ia,
Ia outou faamanu atu i lona suafa,
Aua e lelei Ieova,
E faavavau lava lona alofa.
4. E oo atu lava,
Lona faamaoni,
I lea tupulaga,
Ma lea tupulaga.
5. O oe le tupu e tumau lava lea,
E faavavau e viia lava pea,
E tagata ma agelu e silisili lava,
Ia alalaga i le tupu i lona suafa,
Aua e matua sili lava lona alofa.

FAITAUINA O LE TUSI PAIA:

O le faitauina muamua o le Tusi Paia: *(Tofa Lealailepule Rimoni Aiafi)*.

FEAGAIGA TUAI: 2 Samuelu mataupu 23, fuaiupu 14-17.

O ona po ia sa nofo olo ai Tavita, a o leoleoga o Filisitia sa i Peteleema ia, ona mana'o ai lea o Tavita ua faapea mai; ðTa fia inu vai i le vaieli i Peteleema o lo o i le faitotoa. Ona osofaia lea e nei toa e toatolu o togalauapi o Filisitia, ua latou utuvai mai i vaieli o Peteleema ua i faitotoa, ua avae ai ma aumai ia Tavita. A ua le mafai o ia ona inu ai, a ua vivii atu i le Alii, ua fai ane o ia, ðLe Alii e, ia mamao ia te au ona faia o lenei mea, e le o le toto ea lenei o nei tagata ma latou totoa i ai, e le mafai ia te ia, ona inu ai. O mea ia na faia e nei toa e toatolu.

O le faitauina o Afioga Paia a le Atua mai le Feagaiga Fou: *(Afioga Hon. Gatoloaifaana Amataga Alesana Gidlow)*.

FEAGAIGA FOU: Filipi 4, fuaiupu 8-13.

Le Au Uso e, o le toe upu lenei, o mea uma ua moni, o mea uma ua tauleleia, o mea uma ua tonu, o mea uma ua mama, o mea uma ua matagofie, ma mea uma ua logoleleia. Afai foi o se isi amiolelei po o se tasi mea e viia, ia outou manatunatu i ia lava mea.

29 IANUARI 2016

Sauniga o le Tapunia Aloaia o le Palemene Lona XV

O mea foi ua aoaina ai outou, ua outou talia ma outou faalogo i ai, ma outou vaai mai ia te Au, ia outou faia ia lava mea, ona ia te outou lea o le Atua e ona le manuia. A ua ou fiafia tele i le Alii, aua o ona po nei ua toe tupu mai ai lo outou manatunatu mai ia te Au, sa outou manatunatu foi i ai, a ua le maua e outou se ala. Ou te fai atu ona o le mativa, aua ua aoaina au ia toafilemu lou loto i mea ua ia te Au. Ua ou iloa le mativa, ua ou iloa foi le mauoa, o mea uma lava ou te i ai, ma mea uma e oo ia te Au, ua aoaina ai Au ia ou maona ma ou fia ai, ia faulai mai mea ma ia oge mea. Ou te mafaia mea uma lava i le faamalosi mai o Keriso Iesu.

Ia faamanuia mai le Atua i le faitauina o Lana Afioga Paia.

VIIGA O LE ATUA FAAMAGALO:

1. Le Atua faamagalo lou atunuu o Samoa,
I o matou loto faigata o loto faigata.
Ina neʻi aveva lea ma ala o lou toasa,
Ina neʻi aveva lea ma ala o lou toasa.

Tali) Faamagalo mai lo matou nuu nei,
O matou loto masesei,
Ou tiga ma faigata ua oo mai,
O lou mana e toafilemu ai.
2. O oe o loʻu lafitaga i matagi ma afa,
Pe a afatia i matou i puapuaga.
Ina neʻi aveva lea ma ala o lou toasa,
Ina neʻi aveva lea ma ala o lou toasa.

TATALO: (*Afioga Hon. Le Mamea Lemalu Su'a Leatuavao Tuiletufuga Ropati Mualia*).

Oh Lord our Lord, how majestic in Thy Name in all the Earth, You have set Your glory upon the Heavens, from the leaps of children and infants, You have obtained praised because of Your enemies to silence the foul and the adventure. When we consider your Heavens, the world of your fingers, the moon and the stars that you have set in place, what is Man that you care for Him, the Son of Man that You love Him? Oh Lord our Lord, how majestic is Thy Name on the Earth. You have set your glory upon the Heavens, oh Lord, we thank you. When we consider your love and your patience to us, Lord, we thank you, Lord, please, be with us today. Oh Lord, You have made us Thy servants to be the creatures of this Earth. We will pray for that pleasant and Thy love.

29 IANUARI 2016

Sauniga o le Tapunia Aloaia o le Palemene Lona XV

Le Alii e le Atua le Tama, o le matou viiga lena i luma o lau Afio. Matou te manatua faapitoa i lenei itula le Alii e, Lou alofa ma Lou agalelei ia te i matou, aemaise o Lou alofa ia Samoa, ua maeu Lou alofa le Atua le Tama, aua e ui ina tele o atunuu o lo o vatau i lenei lalolagi, aemaise foi o mala faalenatura, le Alii e, faafetai ua e laveaiina lo matou atunuu. Matou te talitonu lava i Lou alofa ma Lou agalelei, ua E le tuulafoaiina ai Samoa, e amata mai e matutua seia oo lava i nai a matou fanau. Faafetai. O lenei foi aso faapitoa le Alii e, matou te manatua ai pe a toe tepa i tua i lenei lima tausaga ua tuanai. Matou te manatua lo matou valaauina sa e tofofiina ai i matou, matou te omai matou te galulue mo lo matou atunuu. Le Alii e, faafetai aua sa matou faalagolago ia te Oe ma faamoemoe ia te Oe taualumaga uma ma a matou galuega na fai. Le Alii e faafetai, faafetai tele i Lau puipuiga o lo matou ola. E tele taimi sa matou malaga i fafo i luga o le ea, o le sami ma le laueleele, sa E puipui i lo matou ola. I totonu o a matou galuega i a matou fonotaga, faafetai le Atua i Lou fesoasoani mai ma Lou faatasi mai. I Lau auauna o le Fofoga Fetalai, Lau auauna i le Palemia ma le Kapeneta i Minisita, le Taitai o le Itu Agai ma le Sui Taitai o le Itu Agai faapea Minisita Lagolago ae tainane foi le loaloa o le Palemene i ona sui pei ona e tofofi i ai i matou.

O lenei ua maea lenei lima tausaga, faafetai tele i Lou fesoasoani mai ma Lou faatasi mai ia te i matou. Sa matou lagona lava le pai mai o Lau Afio ma Lou Agaga i o matou loto a o faatino a matou galuega. Le Atua e, faafetai tele, faafetai i Lou alofa. Matou te manatua faapitoa foi le Alii e Lou alofa ia i matou, aua na e aumaia Au Afioga Paia, o au Afioga Paia na fai lea ma taiala ia i matou. Le Alii e, fesoasoani ia te i matou, taitai i matou i a matou filifiliga ma fuafuaga uma na fai.

Le Alii e faafetai i Au Afioga Paia, i lau Tusi Paia na E aumai matou te mulimuli ai e fai mea tatau ma mea lelei mo le manuia o tagata, ina ia tusa ma Lou finagalo. Matou te manatua foi Lou alofa ia i matou aemaise lenei lalolagi ina ua afio mai Iesu Keriso lo matou Alii ma lo matou Faaola, ua maliu tiga o Ia i luga o le satauro, ua faamaligi Lona toto paia ina ia faamagaloina ai i matou. Faafetai le Atua le Tama, aemaise foi o Lona toetu manumalo i le oti, ua ave lea ma mea e maua ai e i matou le ola e faavavau.

Le Alii e le Atua le Tama, faafetai. Ia tumau pea ia te Oe le viiga ma le faaneetaga seia oo i le faavavau. Le Atua, a i ai ni galuega lelei sa matou faatinoina, fai lea ma viiga ia te Oe, faamagalago foi i matou i ni o matou sese pe a le tusa ma Lou finagalo.

O le tatalo lea e ala atu i Lou Suafa Iesu Keriso lo matou Alii ma lo matou Faaola.

29 IANUARI 2016

Sauniga o le Tapunia Aloaia o le Palemene Lona XV**TATALO:** *(Afioga Hon. Palusalue Faapo II).*

Le Atua faafofoga tatalo e, o le Atua e onosai, o le Atua e faapalepale, o le Atua o le faamagalo. O ai ea i matou matou te o atu ai i Ou luma, i Lou mamalu ma Lou paia ma Lou Silisili Ese, a o matou o tagata loto faigata. Peitai le Atua, ona o Lou alofa, o Lou alofa, o Lou alofa mutimutivale ua matou maua ai lenei taeao fou. Ua i Ou luma la matou viiga ma la matou faamanu, e ui ina le lava, e le lilo e le lanu ai Lou agalelei lo matou Tama, ae tau lava o se mea e iloga ai, ua faasifo lou atunuu i ona Taitai faale-Malo, Taitai faale-Ekalesia, aemaise le mamalu o le atunuu ua potopoto mai, se i o matou o atu i o matou tulivae, aua o i matou o se atunuu e agasala pea i Ou luma, o se atunuu e le tausia Au poloaiga. Ua matou ole ma valaau atu i le agaga mauualalo le Atua, se i E alofa ma ia E faamagalo mai. I lenei aso e faailoga ai ma faaiuina le lima tausaga o lenei Paeaiiga o Lou Malo Tutoatasi, ae paga lea le Atua, o matou sese ma agasala, Lau Palemene i le feagai ai ma ona tiute ma ona faiva e pei ona E tofofi mai ai, ua le atoatoa le faataunuuina, ma ua le maua ai se viiga o Oe lo matou Atua i o matou tagata. O le tele o taimi matou te fesopoai ai, a ua galo lau Afio o lo o afio tumau i totonu o lenei Maota, ua fai lava o matou loto faigata, o matou loto faamaualuluga ma o matou loto fia pule ma le fia maua pea o le malosi.

Le Atua Silisili Ese, ua matou o atu i Ou luma lenei Palemene matou te faatoese pe afai ua faia a matou Tulafono ma le faapito, ua matou faia ni Tulafono e afaina ai le aiatatau a tagata o lo matou atunuu. Ua matou ole atu, o ai ea a matou o i ai ua na o lau Afio lava e maua ai lo matou faamagaloga? Se i E faamagalo mai le sese o lau Palemene, mai le Taitai, Lana Afioga Mamalu, O Le Ao o le Malo ma tulaga faalupe uma o le Palemene, le Atua, faamagalo mai. Faamagalo pe afai ua le atoatoa lo matou faatinoina o matou tiute, ua matou le vaai i le manuia o ou tagata lautele, a ua faapito lo matou manatu ia i matou lava, ua sue o matou manuia ae galo ai lo matou valaauina aua se manuia o matou tagata. Faamagalo si o matou atunuu mai lava i le pule mamalu a alii ma faipule seia oo lava i se aupito itiiti, pe afai ua le atagia ai le maualuga o Lou alofa, le maualuga o Lou paia ma Lou Silisili Ese i a matou faaiuga fai.

Le Atua le Tama, o Oe o le faamagalo, o Oe o le faapalepale, o lau Afio o le onosai, se i E alofa ma faamagalo mai lo matou atunuu, aemaise o le tele o taimi matou te atuavale ai pe a matou vaai atu ua faamaloalo mai natura faa lenei lalolagi e ono afaina ai si o matou atunuu mai mala ma puapuaga, ona galo lea ma matou faatoa tapa atu i lau Afio, a o le tele o taimi matou te faagalo Oe lo matou Atua. Se i E alofa ma ia e faamagalo taitoatasi mai ia te i matou. E leai lava se isi o lenei potopotoga e tu atu i ou luma ma faapea e atoatoa, aua o le matou tofi lava o le vaivai ma le atoatoa.

29 IANUARI 2016

Sauniga o le Tapunia Aloaia o le Palemene Lona XV

Le Atua le Tama, se i e alofa ma ia e faamagalo taitoatasi mai ia te i matou. Ia aoga le toto paia o Iesu Keriso o le tamai mamoe e le pona e fufulueseina ai ni o matou leaga ma ni o matou faaletonu, ma ia matou iloa ai ona matou savavali i le upu moni. Ia matou iloa ai a matou sese ia matou o atu i ou luma mo lau faamagalo. O la matou tatalo lea e ala atu i le Alii o Iesu Keriso lo matou Alii ma le Faaola. Amene.

TATALO: *(Tofa Hon. Tolofuaivalelei Falemoe Leiataua).*

Ua fofoga le lagi ua faafofoga foi lau Afio le Atua o le lagi, o le Atua foi o le lalolagi o matou o i ai, o le tagata na E faia i Lou faatusa paia ina ia iloa ona sula Lou alofa ma faafai atu le viiga ia te Oe e tatau ai. Ua e fofoga lau Afio i la matou faafetai e ui lava e le lanu, ae tau o se pua e ula, aua e vaivai le tagata, e gata la matou vaai, e muta foi lo matou iloa, ae e te silafia mea o i o matou loto.

Le Atua lo matou Tama, ua fofoga foi la matou faatoesega, aua o le afuaga e mai i Lou lava Alo pele o Iesu Keriso na ia aao ai ona soo ma oo mai ai ia i matou lea faamoemoe e tasi, pe a matou tatalo, ia matou iloa ona avatu le faafetai, ia matou iloa o matou sese ma agasala ua matou vaivai ai, ia matou tapatulua i le tata i lou alofa faamaoni, ina ia magalo i matou. Ua fofoga lau Afio lo matou Atua, ae ao lava ona faaleo atu manaoga o lau fanau, aua e ui lava ina matou talitonu o se mea e taatia i malae o matou tagata soifua ma o matou loto, ae ao lava ona matou saili i lau afio i le tatalo. Le Tama e i lenei lava taeao tulaga ese i totonu o lo matou atunuu, ua poto lau fanau, mai lava i Lana Afioaga Mamalu, O Le Malo ma le Masiofo se i oo lava i le mamalu o sasao nei, e le gata i lenei Palemene, le Fofoga Fetalai, le Palemia ma le Kapeneta, ae faapea foi itu na lua o le Maota ma le mamalu o au auauna filifilia, o lea ua iu le matou galuega, e ao ona matou toe foi atu lava i lalo o lou satauro ma lau Afio, ina ia avatu pea se lagona vaivai. Ua matou faatasi foi ma au auauna faipaaga ma Samoa i Lou Malo, o sui o Malo mai fafo o a matou uo matou te maua ai le lototetele aua o le finagalo lea o lau Afio ina ia soosootauau Malo uma o le lalolagi e galulue faatasi, ina ia manuia atunuu vaivai. Le Tama e, matou te tatalo ma le agaga faamaualalo ina ia alofa lau Afio ina ia faamatalaloto, ia maua pea le tofa ma le moe i lau auauna le Taitai o le Sauniga, o le o le a molimau mo sou finagalo paia.

Le Atua e, ia saunia o Ia ina ia lauga lau Afio e auala mai i lau auauna, a ia matou maua ai faalumaga e tele, e faatamaoigaina ai matou ma matou maua ai le mafanafana, aemaise ai o le talitonu e te mafuta mai i la matou sauniga, aua o Lou atunuu atoa lenei ua poto i lalo ifo o lenei malu, ua fai ma Maota Fono o lou Palemene.

Ia Tama e, i le malaga umi o le a matou savalia i lenei foi tausaga ma le lumanai, ua matou tatalo, e ui ina o le a faataapeina lou Palemene, ae i ai lava i latou e faaauau le galuega, ina ia le tuuaunoa Samoa e aunoa ma i latou e taitai i upufai o Malo.

29 IANUARI 2016

Sauniga o le Tapunia Aloaia o le Palemene Lona XV

Fesoasoani pea lau Afio i Lana Afioa Mamalu, O Le Ao o le Malo i tulaga tofi ua galue ai, aua le faiva o le tuualalo ma le lagolago i le Faigamalo ina ia manuia pea lenei atunuu. Faamanuia i le Masiofo, faamanuia foi i lau auauna le Sui o le Fono a Sui Tofia ma le Masiofo. E le gata i lea o le Palemia ma le Kapeneta o le a faaauau galuega le Atua e, o lona e te silafia, e vaivai i matou, ae matou te faatagisia pea Lou lava Agaga Paia e galue i totonu o matou loto, ma maua ai lo matou malosi i le mafaufau ma le agaga, ina ia avea ai o matou tagata faatauavaa ma meafaigaluega e faaauau le galuega a o lumanai Faiga Palota lautele a lou atunuu.

Ia e faamanuia foi i le tapuaiga a Samoa o lo o tui mai le mulipapaga ma tapuaia faiva ina ia manuia Samoa aua o le latou tatalo ma le tatalo a le afaigaluega, aemaise i Taitai o Ekalesia Kerisiano ua talitonu ma faatuatua i le maliu o lo matou Alii o Iesu Keriso ua toe tu manumalo o le faaalua lea o le alofa tunoa o lau Afio i le lalolagi. Le Atua e, ia manuia Samoa mai ona ao seia oo i ona iu. Ia manuia lona laueleele, o lona sami ma le vanimonimo, ia manuia lo matou siosiomaga. O afa foi ma matagivale o mala faalenatura e fou mai, e leai so matou malosi ua na o lau Afio, aua o Oe lava o le pule i le matagi, e pule i le sami pe a oo ina sousou, e pule foi i lo matou soifua ma le ola.

Tama e, aua e te tuulafoai i matou lou atunuu ua faavae i lau Afio, ma e matou te o atu lava ia te Oe lo matou taitai, e ala i lo matou tootutuli ifo i lalo ifo o Lou satauro ma matou alagaina pea papa faalelagi o lau Afio.

O la matou tatalo Tama, ia alofagia lenei Faapotopotoga, o se taimi o le a tatala ai le filialii, ia i ai pea le manuia o lau Afio. Ia faamanuia i le afaigaluega uma lava a le Malo ma pisinisi, o i latou o lo o galulue i o latou lava faiva e maua ai faamanuiaga mo i latou, ia faatupu pea le fatu o le naunau e faatino galuega, ina ia aua ne i ua falolo. Matou te tatalo foi ia alofagia le aumatutua ma le au ao sinasina o lou atunuu, o faletua ma tausii, o saoa, o tina ma tamaitai o i latou e i ai manaoga faapitoa, o talavou ma fanau iti, aua ne i manumalo le fili, a ia foai pea le malosi faafouina e lau Afio, ina ia manuia lava i matou e ala i lau puipuiga malu.

Le Atua e, ia e faamanuia i lenei potopotoga, ua matou tatalo atu, aua e te tuulafoai i matou, aua o le alii o le lalolagi e galue pea, ae matou te talitonu e le manumalo le fili ma le tiapolo, aua ua uma ona e faatoilalo e ala i le maliu ma le toe soifua manumalo o lo matou Alii o Iesu Keriso.

O le matou olega Tama, ia i ai pea Lou agalelei ia Samoa, ia e agalelei foi i a matou uo ma paaga o matou galulue faatasi, ina ia maua pea le mafanafana o lo matou fetalitonu ai i le faatuatua ai ma le maua o le fesoasoani faifaipea.

29 IANUARI 2016

Sauniga o le Tapunia Aloaia o le Palemene Lona XV

Tama e o ai ua ita ia i matou ma tuuai pea leaga ma fai fili mai, alofa lau Afio ia faamagalo ae faamanuia ia i latou o alolofa pea, ma latou talitonu o Oe o le Atua faamagalo, ina ia manuia o latou faiva, manuia o latou aiga, manuia o latou Malo, aua o lo o i ai pea lo latou talitonuga i le alofa faasoa o lau Afio. Tama e, ia faamatalaloto lau Afio i lau Afio Paia ua matou faalogo ina ia saunoa lau auauna a ia uluulumatafolau Lou finagalo ia i matou. Viia le Atua i mea o le a matou faia, e ala i lenei tapuaiga ua matou faatasitasi ma matou ofoina atu ai le faafetai ma le faatoesea ma nisi o matou mana'o vaivai. Le Atua e, ia faamanuia lau Afio.

O matou tatalo ia ua mafai ona matou manatua, ae leai se mea e lilo i Lau silafaga ati. Tama e, ia faia Lou finagalo, ae aua aua lava i o matou loto le faatauanau. Ua matou tatalo i nei mea uma e ala i le suafa manumalo, le suafa pele o lo matou Alii o Iesu Keriso le Faaola ma le Alii o le lagi, ia tumau mai Lou Agaga Paia ia i matou e faamatalaloto i mea uma o le a matou faalogo i ai i lenei tapuaiga. Amene.

VIIGA O LE ATUA:

1. Ua faafetai, ua faafetai, faafetai i le Atua,
Faafetai sili i le Alii,
Ua faasaolotoina le tagata,
Mai noataga ona o le agasala X2,
Sa logo i Pulotu le mapu ea,
Tali mai le lagi ua faaeaea.
2. Ua toa nei, toai nei i fanua,
O le faatamalii a le Atua,
E pei o se lupe o se lupe ua tulima X2,
3. Le Ekalesia, manatu i ou faiva,
Ua auina ai oe e le Alii.
Talai ia le tala moni o le Atua e faamaoni,
O lona alofa foai fua mai, X2
Pepese ia ma faafetai.
4. Le Ekalesia sei tulai maia,
Alalaga fiafia sao faalalelei,
Pati lima maia le foafoaga,
Siva faafetai oe le tagata,
Le Tama, le Alo ma le Agaga,
Faafetai mo le faaolataga.
5. Nuu e, faatu mai, ua manuia faiva o le tautai,
Fetalai Iesu, Fetalai mai,
O ia o le Ala, Upu Moni ma le Ola,
Le Faaolataga ua ia saunia,
Mo so tatou manuia.

29 IANUARI 2016

Sauniga o le Tapunia Aloaia o le Palemene Lona XV**“LAUGA:**

ōla malie foi ia te Oe upu a loʻu gutu ma mafaufauga o loʻu loto, le Alii e o loʻu Papa ma L na te togiolaina i matou, ameneō.

FEAGAIGA FOU: MATUA – FILIPI IV – 13” “Ou te mafaia mea uma lava, ona o Ia ua faamalosi mai ia te a’u”.

ōAua o Mafaufauga o le Tusi Faitau o le Faasologa o Tusi Faitau a le Ekalesia Kerisiano mo lenei aso o lo o faapea mai: *O le ki o le faamalieina*”.

E mafai foi ona faapea, o le auala lilo e maua ai le faamalieina. O le tautinoga masani o tofiga uma lava e mai le Atua lea. O lona uiga, e tofofi e le Atua taitai o aiga, taitai o nuu, taitai o le Malo, e oo lava i taitai o Ekalesia ma so o se faiva faapitoa. O le aoaoga faavae e fai pea ma taiala o nei tofiga, fai le galuega ua tofia ai e le Atua i ala o le Atua, aua o Ia na te aumaia le faamalieina o le loto o le tagata. We do God’s word in God’s way. O le mea lilo lea e faamalieina ai so o se tagata ua tofia ia lagona le loto faamaualalo e faatino ai le tofi ua tofia ai e le Atua i ala faale-Atua. E sese i sini pe a faapea e tofia e le Atua e galue mo le Atua ae fai le galuega i ala o le tagata lava ia. Ai lava o le pogai autu lea o le lapelapea o tatou faiva ma tele ina vaermanua o tatou tiute ina ua fai le mea e loto i ai le tagata ua tofia ae lafoai le finagalo o L na tofiaina. Ua tuu maa ae maa i aau.

O le Tusi o Filipi, o se tusi e taua o Tusi o Puapuaga aua o se tasi o tusi na tusia e le Aposetolo a o faafalepuipuiina o Ia i Roma. E ui lava ina faapea o lo o saisaitia Paulo ona o le mau ia Keriso, a o le feau laualuga lea i lenei Tusi, o le feau o le loto faafetai ma le olioli i le Atua. O lo o atagia i lenei Tusi le lagona olioli ma le faamalieina o le Aposetolo ona o le galuega a Keriso, lea ua ia faailoa ma faasoa atu i le Au Kerisiano i Filipi le puna na ia maua ai le malosi, le puna na ia maua ai le fiafia e faatino ai ona tiute. O le a lea? O le mana ma le poto o Keriso. E ui lava i le maoae o lona aoaoina i le Tulafono, e ui foi i ona gafa tau tupu faa-Peniamina, o Ia o le Eperu po o le Sa Eperu, a o le manatu lava o le Aposetolo, o otaota lava ia mea ina ua ia maua o Keriso. O lona talia o Keriso, o le poto ma le malosi uiga ese lea na ia mafaia ai ona faia o mea uma. O le mau tauave lea a le Aposetolo, *“Ou te mafaia mea uma lava ina ua faamalosi mai ia te Au”*.

Le afifio o tulaga maualuluga ma tulaga mamalu o le Palemene o Samoa, o outou lava o lupe na faia mai le fuifui, o outou o ipu na filifilia e le Atua Silisili Ese tou te faatautaia le sa o Samoa. O lele ua fanaeʻelupe nei le la, ua faasolo foi ina ifo le taulaumea i la outou Paeaiga. E le o se taimi puupuu le lima tausaga.

29 IANUARI 2016

Sauniga o le Tapunia Aloaia o le Palemene Lona XV

E avatu ai la matou faamalo, faamalo le galulue, faafetai lo outou lototetele, faafetai le faatoatoa, faafetai le tautua Malo, ona o le Atua ma Lona finagalo. Ua iu lava i le paolo aao o le alofa tunoa o le Atua na lafoaia ai maninoa ma aso lelei, ae sa tele foi taimi o le popole aua e laga pea peau mataloloa o le vasa ma taiialaina ai pea foi tatou e atu i le ala.

Fai mai ina ua foi manuia mai toa e toatolu ia na ave i ai le manaoga o Tavita, *“Ta fia inu i le vai i le vaieli i faitotoa i Peteleema”*. Fai mai le Tusitala ina ua foi manuia nei auauna i le Tupu e le i inuina e le Tupu. E mafua i se a? Ua malie le faaaloalo, ua inu malie Samoa i lau auaunaga ma lau tautua. Le Palemene o Samoa, o a ni galuega lelei ua outou faia, o a ni matatiā ua outou ausia i lenei Paeaiga, ia fai ma taulaga e viia ai le Atua. Ia fai ma taulaga, o le taulaga mu e viia ai le Atua i lo outou soifua galulue. A o a foi ni lape ma ni maumau o ia taimi, e leai se tautai e ato ni iā i lona sa. A o le mea taua, ia matua faamaualalo le tagata lava ia i luma o le Atua. Tasi o le mea le tatou Malo, aua lava neā galo Samoa, o le olioli ma le ola faamalieina, faatoa atoa lava i le Atua, ina ua e usitai ma fai le finagalo o le Atua. A e fia maua malo taeao aemaise o aso uma i le tatou ola galulue, ia tautuana le finagalo o le Atua. That's the secret. O le secret lena o le condemntence e faamalieina ai oe ma au i so o se tiute ua valaauina ai i tatou. Fai mai le Aposetolo, *“Ou te mafaia mea uma lava, ona o Ia ua faamalosi mai ia te a'u.”*

Ia manuia le Palemene o Samoa, ia manuia lo tatou atunuu, aemaise o le faamoemoe i le alo atu mo le faiga filifiliga i le lumanai. Amene.

VIIGA O LE ATUA :

1. Lou nuu e, o Samoa,
E pele oe i le agaga,
E itiiti oe ma faatauva,
Ae mamalu o le Atua lava,

Tali: Samoa ala mai ma ia fai le faafetai,
I le Atua le tupu o le atunuu,
Samoa ala mai ma ia fai le faafetai,
Ia pule pea e faavavau.

2. Lou nuu e, o Samoa,
O Iesu o ia o le tautai,
Na te tautai laʻou malaga,
Na te faatonuina ou ala.
3. Lou nuu e, o Samoa,
Tautuana ma oe le Atua,
Ia fai le Atua ma ou faavae,
E fai ma pa e siomia ai.

29 IANUARI 2016

Sauniga o le Tapunia Aloaia o le Palemene Lona XV

FAAFETAI: Rev. Panapa Fata Too

Ae ou te le i faia le tatalo faaii, avea ia lenei avanoa ou te momoli atu ai le faafetai tele i le Fofoga Fetalai ona o le avanoa ua tuuina mai. Mo le silafia e le mamalu ma Samoa ua potopoto, o le Paeaiga lenei, o Au sa ou faia le lotu e amata ai galuega a lenei Paeaiga, peitai o le lotu faafetai ina ua toe maua le avanoa ou te toe faia ai lenei Sauniga e tapuni aloaia ai.

O le mea lea lau Afioga i le Palemia ma la outou Paeaiga i lenei tausaga, o a ni mea lelei ma ni matatia ua outou faatuina i la outou Paeaiga, e pei e foliga o le lelei o le Faifeau na amataina la outou Paeaiga. Ia viia le Atua i mea uma ua outou faia, ma saga faapaleina pea outou i le mamalu, ma tumau atu i le Atua nei seia oo i le faavavau lava.

TATALO FAAMANUIA:

Aua lava ne i ia te i matou le Alii e, aua lava, a ia tuuina atu pea le viiga ma le lotu faafetai ona o Lou alofa ma Lou faamaoni ia Samoa. A o matou i ai i lenei Sauniga ma le Tapuaiga, tau ia ina ia avea le feau o le Talalelei e lu'itauina ai pea lo matou ola valaauina. E leai lava se isi mea e faamalieina ai i matou, na i lo matou talia o Oe Keriso e fai ma o matou Faaolataga.

Ia tumau maia i o matou luga uma nei ma fanau uma a Samoa po o fea lava o i ai le manuia o Oe le Atua le Tama le Alo ma le Agaga Sa, ia mafutaina pea i matou e lea lava Agaga, nei seia oo i le faavavau, faavavau lava. Amene.

MALELEGA A LANA AFIOGA MAMALU O LE AO O LE MALO

Lau Afioga i le Sui Tofia ma lau Masiofo,
 Lau Afioga i le Palemia ma le Kapeneta,
 Lau Afioga i le Faamasino Sili ma le Vasega o Faamasino,
 Lau Afioga i le Fofoga Fetalai ma le mamalu o le Palemene,
 Le paia maualuga i le Aiga Sa Levi,
 Faauluuluga ma e mautofi i Ekalesia eseese,
 Tumua ma Pule, Ituau ma Alataua, Aiga i le Tai ma le Vaa o Fonoti, Aiga ma latou Tama, Tama foi ma o latou Aiga,
 Liliu atu i lea itu o le motu i le afio o lau Afioga i le Alii Kovana ma lau Kapeneta,
 Lau Afioga i le Peresetene ma le paia maualuga i le Senate,
 Lau Afioga a le Fofoga Fetalai ma le paia maualuga o le Fono Faipule,
 Le Alii Faamasino Sili ma le mamalu o le Ofisa o Faamasinoga,
 Sua ma le Vaifanua, Fofu ma Aitulagi, Ituau ma Alataua, Saole ma Saleaamua ma le Launiu na Saelua,
 Faatui ma Tootoo o le Faleula, faapea ai ma le Tama a le Manuatele.

29 IANUARI 2016

Malelega a Lana Afioga Mamalu O Le Ao o le Malo

Lau Susuga i le Taitai o le Sauniga, e momoli atu le faafetai ma le faamalo mo le tatalo ma le timai, atoa ai foi ma pesepesega a le aufaipese, ua logo i tino matagi lelei.

Ua limataina mai i tatou e le alofa tunoa o le Atua i le faaiuga o le Nofoaiga XV a le Palemene. E maue faamanuiaga ua foai mai e le Atua mo i tatou i leni lima (5) tausaga. Ae pei lava o le soifuaga masani, e lualuagia lava le faamanuiaga ma le tofotofoga ma le luata. Ma o lea, e fia fai sina upu puupuu i faamanuiaga ua maua faapea ai ma tofotofoga ma luata o lo o feagai ma i tatou, ma e au ina feagai ma i tatou i le aga atu i luma.

I le tausaga ua tuana, na faasalalauina ai e le Ofisa o le Komesina o Sulufaiga (Ombudsman) faapea ai ma le Ofisa mo Aia Tatau a Tagata (*National Human Rights Institute*) ia le latou ulua Lipoti e uiga i aia tatau a tagata Samoa.

O se tasi o sini aut o le faamoemoe, o se polokalame e aual ai ona laugatasia tagata uma - po o le lava lo latou tulaga, po o le le malosi tau tupe, ae avanoa ona latou maua se olaga e malupuipua ai lo latou soifua m l l ina, lo latou mamalu, lo latou saogalem , faapea ai ma lo latou olaga atiae.

I le Lipoti a le Komesina o Sulufaiga, o lo o faat ua ai le sootaga o le aia tatau ma le tu ma le aga ma le mau faa-Samoa. Ma o lo o fai mai, e faaofia g fie le mataupu o le aia tatau pe a mafai ona soosoo ma le olaga e soifua ai tagata i aso taitasi, faapea ai ma moomooga ia faamanuia fanau i le lumana.

I le tatou Tulafono Faavae, ma o le Tulafono aupito t ua lea, o lo o faas ina ni amio faasau ma l taupulea i le uso a tagata. E faapea foi ona faas ina ni pule e feteena ma le aia tatau ma ni auala faaalatua faasolitulafono.

O le tatou Tulafono Faavae, o lo o lotolotoi ai i totonu le tofa ma moomooga lelei o m tua mo se lumana manuia o fanau e i ai i tatou. Ma a tatou asiasi i le Tulafono Faavae, tatou te asiasi ma le alofa ma le faaeteete ona o p lega ia o lavasiga ma moomooga o outou tua ma o matou m tua.

Sa galulue maalega le Malo, le aufaigaluega a le Malo, faapea foai faalapopotoga lagolagosua, e faamalamalama ia aia tatau faataganuu ma tiute tauave o tagatanuu; faapea ai ma le faaliliuina o mau faavae e puipualu ai ia aia tatau i malo temokarasi, i atinae, faapea ai ma pulega malo.

O se tasi nei o molimau e faamaonia ai le mat ti o le Nofoaiga e XV a le Palemene.

29 IANUARI 2016

Malelega a Lana Afioga Mamalu O Le Ao o le Malo

I le tausaga 2011, le tausaga muamua o le Nofoaiga e XV a le Palemene, na faatauina ai e le Malo le SamoaTel i ni tagata faipisinisi. Ua avea lea mea ua maua lafia ai ona maua mai ni masini faapitoa, e l gata e mafai ai ona faat ina ai le Moana ma le SKY TV, ae ua avanoa ai ona maua nisi fesootaiga ma atunuu i fafo. O se avanoa t ua lea mo le aufaipisinisi. E l gata o se ituaiga atinae muamua lea i Samoa, ae o se ituaiga atinae muamua foa lea i atumotu laiti o le Pasefika.

I le aso muamua o Iuni 2012, na tatou faamanatuina ai le 50 tausaga talu ona avea Samoa ma atunuu Tutoatasi. Ma sa tatou momoli le faamalo ma le faafetai i le faitaulaga a tatou m tua lea na maua ai le Malo Tutoatasi lea ua tatou aea ai nei.

Ae i Tesema o lona tausaga, na faatamaia ai tatou e le af o Eveni. Fai mai lipoti, o le af lea ua sili ona matautia i le 10 tausaga ua tuana. Tatou te manatua i mafauauga ma talosaga i le faatamaia o le soifua o tagata faapea ai ma meatotino. Ma e tatou te manatua ai foa i mafauauga ma talosaga le alofa ma le agalelei e l gata i tatou tama fanau, ae faapea foa i tatou paaga ma u mai fafo.

O se tasi o mea iloga i le 2013, o le Teuteuga o le Tulafono Faavae, e avanoa ai ona siitia le fuainumera o Faipule Tamaitai i le Faiga Palota o lo o loma. O se taeao faitauina lea mo Samoa ma Palemene o le Pasefika. I lalo teisi o le afa o le fuainumera aofai o tagata Samoa, o le itupa o tamaitai. Ae, e sili atu le fuainumera o tamaitai i lo tane, i 65 tausaga agai i luga.

O tamaitai ma le fanau laiti, o lo o m tilatila i le Lipoti a le Komesina o Sulufaiga, o i latou ia ua sili ona afaina i le faamalosi i feusuaiga ma le soli aiga. E ao lava i i tatou taata ona saili ni fof o faafitauli nei aua e tel le afaina pe afai tatou te tuufau faafitauli.

O se tasi o m tati maoa o le Nofoaiga lenei, o le faafoeina o solitulafono a le autalavou. O le faat ina o Olomanu (*Juvenile Facility*) mo le autalavou solitulafono, o le faat ina o le faamasinoga faapitoa mo aiga (*Family Court*); le faamasinoga faapitoa mo le sau ina i totonu o aiga (*Family Violence Court*), le faamasinoga mo Laau Faasaina ma le Ava malos (*the Drugs and Alcohol Court*), ma le Ofisa Faapitoa mo le puipuga o Aia Tatau a Tagata (*National Human Rights Institute*). O le molimau ola lea o le pulunaunau o le matata o Tulafono (*the Law and Justice sector*), o le Komisi e iloiloina le Toe Teuteuga o Tulafono (*Law Reform Commission*), ma le lagolago malos mai o a tatou paaga mai fafo ma le Palemene.

I le uluai Lipoti a le Vaega e Puipuia Aia Tatau a Tagata, o lo o faataua ai le oaoaoina, le faamaopoopoina ma le faauigaina o fuainumera. O se tasi nei o fesoasoani malos i le galuega Faapalemene. O le isi vaega na faat uaina e le lipoti, o aoga.

29 IANUARI 2016

Malelega a Lana Afioga Mamalu O Le Ao o le Malo

Lona lua, ou te fia tautala faapitoa i le faamomoli mai aiga ma u mai fafo, ona o lenei fesoasoani faatasi ma le tupe mai malo tafafao mai, o lo lavelavet i faafitauli tau tupe mai le 2005. Matou te fia faailoa atu lo matou lagona fiafia i la tou taulaga, i lo tou alofa ma le tou fesoasoani. Ou te iloa ua momoli atu le faafetai, ae ou te pulunaunau ia faapoopo atu i ai ma laʻou faafetai.

E fia tauluga laʻou lauga i loʻou toto mai o upu a se alii Faifeau, Fr Paul Ojibway, o se tagatanuu Intia Amerika, i sona lagona e fua mai i le tala faasolopito ma mea na feagai ma lona atunuu. Fai mai: ʻIna ua maēʻa uma mea nei e faamatala atu, o le galuega faaauau a tagatanuu o Amerika e aʻoaʻoina ai tatou, ina ia o tatou sapaia ia le mea e sili ona manino, ae atonu o se mea sili ona faigat ona faatino e i tatou o tagata ola - pe faapefea ona faamagalō i uso a tagata?ʻ Ae fai mai Andrew Pinsent, o se tasi o sikola o le Tusi Paia, ʻO le faamagalō e le maua mai i le tautuuai po o le talia o se mea sese, o le faamagalō e l gata o le l fua, ae o se vaega o lou agaga e moomia le faataualofa, ma e faatasi ma lau molimau ma lou salam .ʻō Pag lea, i le lalolagi o taitai, o le faia o le mea saʻo, e sili atu ona faigat i lo le faia o le mea ses . Ma e mo le toatele, e sili atu ona faigofie le g g . Ma e ono fai ma taitala upu a Martin Luther King pe a ua fetōʻa le mafaufau. Fai mai a ia, ʻō tatou olaga e ono lamalama faai i le aso tatou te g g ai i mea e t ua ma -anoa.ʻō

Ma ona o tatou o taitai, o le tatou tiute tauave, o le mataala i l fua faatemokarasi, i faiga faavae, ina ia manino ma malamalama ia pulega malo, ma le pule a le Tulafono. O le tatou matafaioi faaauau, ina ia tatou molimau e l gata ia i tatou, ae faapea i lo tatou atunuu, aemaise ai lo tatou Atua.

I le as , ia tatou sula ma fiafia i sini ua -ausia i lenei 5 tausaga. Ma ia tatou manatua le sao ma le taulaga ua faia ina ia faamaut ina le filemu ma le pulega malo lelei i lo tatou atunuu. Ou te momoli atu le faamalo i le Faigamalo, i le Itu Agai, i Sui Tutoatasi, i le afaigaluega a le Palemene sa fai o latou sao i le tulaga lelei ua aliali mai i le Paeaiga a le Palemene Lona XV, ma la outou galuega e faia ma le alofa ma le pulunaunau mo Samoa ma lona tofi faaauau. Ia faamanuia le Atua i tualumaga o lo o totoe.

Ma ou te faasilasila atu, ua tapunia aloaia le Paeaiga a le Palemene Lona XV a le Malo o Samoa. Soifua.

Na faaalua le fiafia o le Palemene ma le mamalu o le Au Valaaulia e ala i le patipati o latou aao ina ua maea le Saunoaga a Lana Afioga Mamalu O Le Ao o le Malo mo le Tapunia Aloaia o le Palemene Lona XV a le Palemene o le Malo Tutoatasi o Samoa.

Na tuumuli filemu mai le Maota Lana Afioga Mamalu O Le Ao o le Malo ma le Masiofo faatasi ma Sui o le Fono a Sui Tofia i le maea ai o le Sauniga o le Tapunia Aloaia o le Palemene Lona XV.

29 IANUARI 2016

TOLOPOINA

FOFOGA FETALAI: Ua taunuu, ia fai lenei mo oe Samoa. A ia fai ma tatou taulaga mu e sii ai le faamanu ma le faafetai i le Atua. O mea ua moni, o mea ua tauleleia, o mea ua tonu, o mea ua mama, o mea ua matagofie, ia viia ai le Atua. Aua ne i popole outou i se mea e tasi, ia faailoa atu outou manao i mea uma i le Atua, i le tatalo, faatoga atoa ma le faafetai. O le manuia foi o le Atua ua silisili lava lea i mea uma e manatu i ai e leoleoina ai o outou loto atoa ma outou mafaufau ia Iesu Keriso.

Tulouna ia oe Samoa o le aomamala, tulouna ou paia faale-Talalelei, tulouna ou paia faaleaganuu, tulouna ou paia faale-Malo. Ua maliolagi ai nei le aniva i le faafuagalu o matagi, aua o lea ua e tutu le tutuga o le mataisau o le tausamaaga. O lea ua liʻo le masina a foli ua atoa ua atoa, ua ali foi sumu o faga, ma o le a seu i fanua le sa o le tautaiolefua ina ua ae ma le manuia faiva ma faatamasoaliiga a lou Palemene o Samoa mo lenei Paeaiiga. Ou te taofi o lea ua muamua ona momoli lapalapa o malo ma ave le faamua i le Tapaau Sili i le lagi aua ua taunuu mai i lenei taeao manuia Samoa ma lona Palemene. E faafetaia ai lau Susuga i le Taitai o le Sauniga, lau Susuga Rev. Panapa Fata Too, lau Susuga i le lupe faalele a le Aiga Sa Tupua ma le Aiga Sa Malietoa ma le Faletolu. Ua matalupe ai nei le seuga ma ua talimau le igafo i gataifale o Tiafau tauave e ala i lau faasoasoa i meaai faaleagaga, ua le faaitiitia ai le suauu manogi i le fagu ma le falaoa i le kate. Ua taumasuasua lau ipu ma ua lagona le manogi i le sau o le ola e ala i le upu folafola. Ia tumau pea i le Atua Lona viiga ma Lona faaneetaga. O la matou tatalo, ia tumau le soifua manuia i lau Susuga i le Faafeagaiga, faafetai tatalo, faamalo le ositaulaga.

E faaleoina foi le agaga faafetai i ositaulaga uma o ositaulaga sili i so o se fatafaitaulaga a le Atua ua tatou faatasi i lenei taeao fou, i lo outou lagolagosua i le tatou osigataulaga ua mamalu ai ma paia ma manuia lenei taeao ua ula. O lele ua malele Lana Afioga Mamalu O Le Ao o le Malo, o le malelega aloaia lona ua tapunia ai le Paeaiiga a le Palemene Lona XV lenei a Samoa, e tusa ai ma tu ma aga masani o le Faavae o le Malo Tutoatasi o Samoa. I lou agaga faaaloalo, e momoli atu ai le faafetai tele i Lana Afioga Mamalu, O Le Ao o le Malo i le faatinoina o ou tiute ma ou faiva alofilima aua Samoa ma lou Palemene.

Ae ua ou tulai ma le ava tele ma le faaaloalo e tatau ai e momoli ai le faafetai tele i le paia maualuga o lenei taeao fou, ua paia ai nei Tiafau tauave o le malae o le faautugatagi a Samoa e tofofi ai ma taape ai tofiga a manuisina e le soaina, ma e na ai le tupu pe a maua lona nofoaga. Ua mamalu ma maualuga aua ua afio Lana Afioga Mamalu, O Le Ao o le Malo, Lau Afioga Tui Atua Tupua Tamasese Efi ma lau Masiofo, afio foi lau Afioga i le Sui o le Fono a Sui Tofia, lau Afioga Tuiaana Tuimalealiifano Sualauvi II ma lau Masiofo. Afio lau Afioga i le Faamasino Sili lau Afioga Patu Tiavaasue Falefatu Sapolu ma lou faletua. Lau Afioga i le Peresetene o le Faamasinoga o Fanua ma Suafa ma lou faletua, tainane alii ma tamaitai Faamasino ma le mamalu o le Faamasinoga.

29 IANUARI 2016

Tolopoina

Lau Afioga i le Palemia ma le mamalu o lau Kapeneta, sui usufono mamalu uma o le tatou Maota Fono o le Palemene a Samoa. Afifio foi a tatou malo mai fafo ma paaga totino a Samoa ma le paia maualuga o Samoa ua potopoto, Ofisa Sili o Matagaluega ma Pule Sili o Matagaluega ma Faalapotopotoga a le Malo. O le afio lava lea aua Aiga ma latou Tama, Tama ma o latou Aiga, le paia maualuga i le usoga a Tumua ma Pule, Ituuu ma Alataua, Aiga i le Tai ma le Vaa o Fonoti.

E le faagalo Afia isi ona vao ia Samoa o le lauti ua uma ona laulelei, aua le affio o le paia i le motu i Sasae, afio aua le Tuimania, Sua ma le Vaifanua, Fofu ma Aitulagi, Saole ma Saleaamua ma le Launiu na Saelua, Tama a le Manuatele ma le Faleagafulu o le Motu, Tootoo o le Faleula ma le Laau na Amotasi. Le afio o lau Afioga i le Kovana Sili ma le Lutena Kovana, lau Afioga i le Peresetene, lau Afioga i le Fofoga Fetalai ma sui usufono mamalu uma o le Maota ma le Faigamalo. Ae avea ia lou leo e fai ma fofoga taumolimoli o le Palemene Lona XV a Samoa i lenei taeao, i le afio atu o le Afioga i le Palemia ma lana Kapeneta, le Afioga i le Taitai o le Itu Agai ma sui usufono mamalu uma o lenei Palemene, e momoli atu ai lo matou agaga faaaloalo tele ma le faafetai ona o lo outou affio mai ma tala mai aao tatou te faatasi i le sauniga mulimuli e tapuaia ai lenei Palemene. Ua to ai nei le falemapu o tautai, ina ua logo i pulotu le mapuea a le aufaitofa ma le aufaiuta a Samoa, aua sa liuliu ma fulifuli faalaaui mamafa faavae popo ma upu taoto o Samoa i lona Maota i Tiafau nei. O lea la ua manava le aualo, ina ua toa le matagi ae lautasi le savili. O lea ua seese malie atu nei lou sa Samoa na fao afolau. Na tatou aleaga faatasi, na tatou alefuna faatasi ma tatou ololo pitovaa ma le manulauti ina ia manuia le sa folau o Samoa. O lenei la ua tatou mapu i Taumeasina ae tatou sa'o i malae o matagofie. O le tatalo sa tuuina atu i le Atua: Le Atua, ia foai mai se laolao faapenei matou te toe laulua fesilafai i lenei taeao malama, o le taeao o faamavaega, e pei o le fesilafaiga nai le vasa a Malietoa ma Tuimaniua, se i o matou sula Lou alofa ma Lou agalelei, ua taunuu ai ma le manuia le faaiuga o lenei Paeaiaga. E ui ina fita ma faigata le ala, ae o lenei ua ae le vaa o manu ae fao le vaa o mala. Faafetai i lo outou affio mai ma tala mai aao, o fua vaaia ia o le molimau ola o lo outou tapuaia o faiva sa feagai ai ma lou Palemene. Samoa matou te faamalulu atu ma asuasua atu vaimalu i puega, pe afai o le a sau maitau i se tu ma se aga ua le tautamalii, i se upu ua laavale ma se pati ua sala a o faatino galuega a lou Palemene i lenei Paeaiaga. Ina ne i sipa le lamaga ma sese la matou faautautaga, matou te taofi o upu a le atunuu, e le atoa liu o le sa o le tautai.

Samoa, ua faataumuaava nei lou sa i faiga filifiliga e saili ai taitai o Samoa mo le lumanai, ou te taofi o oe o le atunuu ua uma ona tofi, e leai se poto ma se vave na te toe autalaina lau tofa faatupu ma lau tofa faatamalii, ma lau tofa faafaleupolu.

O le matou tatalo i le Atua, ia tofi mai lagi ni Taitai o Samoa mo le Paeaiaga fou. Ia sama se mago, sema se vave, tautai se agavaa, ina ia manuia ma filemu le faiga filifiliga a Samoa i Lona alofa ma Lona agalelei.

29 IANUARI 2016

Tolopoina

Ia alofa le Atua ia Samoa ma lona Faavae, o lana faatufugaga e liutua ai afa, e avea ma malu ae taoto ia te ia peauvasa. E faapitoaugafa sa matou faafetai i lenei taeao i lau Afioga i le Sui Fofoga Fetalai, lau Tofa Agafili Patisela Eteuati Tolovaa, faafetai i lou lagolagosua i le ta galuega. Ia viia le Alii i lou soifua auaua.

Lau Afioga i le Failautusi o le Fono ma le Sui Failautusi ma le Ofisa o le Fono, ia lafo la outou maa ma lo outou le masalosalo, e le lilo i le silafaga a le Atua lo outou afu maligi aua le tautuaina o le Palemene o Samoa.

Le Palemene o Samoa, omaia ina o, ia manuia lo outou alo atu i le faiga filifiliga, ma ia faatasi le Alii ma outou.

Le paia e o lou itumalo, Sa Tupua ma Sa Malietoa, Aiga ma le Faletolu, i le afio o Aiga ma le Falelima o Saeseese aemaise le Aiga o Mavaega, faafetai i lo outou afio mai i lenei taeao ua maua ai le sauniga faaii. Faafetai i lo outou titi faitama ma la outou tatalo ua manuia ai faiva o lou Palemene ma faamaea ai le tatou galuega na tofia i ai tatou e Samoa, o le Fofoga Fetalai o le Maota Fono o Samoa.

E faapitoa lau faafetai i le aufaipese o le Ola Toefuataina i le lagiina o pesega o lenei aso. Faatai laia ma so matou leo, o se taimi taape le fuamanusina ma tatala le filialii, ia alofagia e le Atua Samoa atoa. O la matou tatalo, ia faaauauina pea le manuia o Samoa i lou ulufafo ma lou ulufale, ia tu ma lelea le ao e i le lagimaina o le paia ma le mamalu ua ee nei, ae tau ina ia manuia le tatou faigamalaga i lenei tausaga fou. E momoli atu ai ma moomooga alofa ina ia maua e Samoa se faiga filifiliga manuia ma le filemu. Soifua ma ia manuia.

Talofa and greetings to you all, Honourable Judge, Diplomatic Corps, distinguish guests, ladies and gentlemen: It is with great honor and respect on behalf of the dignity of the members of XV Parliament of Samoa, I extend to you all our sincere appreciation and gratitude for honouring us with your presence this morning. Today marks a successful conclusion of another Parliamentary term and His Highness the Head of State has officially declared the dissolution of the XV Parliament of the Legislative Assembly of Samoa. From our heart we acknowledge the great gratitude and support and commitment of our diplomatic representatives, partnership nations for all your great contributions for Samoa and its development. And we appraise and appreciate with a great honour your presence this morning.

Rev. Panapa Fata Too, thank you for the Spiritual guidance that you have shared with us which has greatly inspired and encourage lead us today until our next election. Your kind words is to remember that Samoa is founded on God, He is the only way and the truth to the internal life.

To all the church leaders and various denominations, family and friends and the people of Samoa, thank you for your endless prayers and support in which we have come to the successful conclusion of this Parliamentary term. We are blessed with the knowledge and intelligent and we believe the power of your prayers, God has bless us abundantly, and for this we can only be thankful and appreciate this great for the past five years. God bless you all. Soifua.

29 IANUARI 2016

Tolopoina

Ou te valaau atu i le tatou mafutaga tatou te tutulai mo le tatou pese faaii.

Na faaalua le agaga fiafia o le Palemene ma le Au Valaaulia i le patipati o latou aao ina ua maea le Saunoaga Faafetai a le Afioga i le Fofoga Fetalai.

VIIGA O LE ATUA E 353:

1. Lo ta nuu ua ou fanau ai,
Ua lelei oe i le vasa e,
Ua e maua mai luga,
O le tofi aoga!

Tali: Samoana, ala mai,
Fai ai nei le faafetai,
I Le pule ia maua ai,
O lou nuu i le Vasa e.

2. E! ua lalelei Samoa,
Lona valevalenoa,
Ia moomia ai ou fanua,
Tama Samoa, ala mai,
3. Ua e sui lou tautai,
Lou mamalu ia mau ai?
Tuputupu pea mai,
Talu nuu ua feagai.

FOFOGA FETALAI: Ou te valaau atu ma le faaaloalo, ina ia tatou auai faatasi i le taumafagati o le taeao. And now invite you all, for our morning breakfast, good morning.

Na tolopo le Sauniga o le Tapunia Aloaia o le Palemene Lona XV i le itula e 10:20 i le taeao seia se aso.